

جهاد الخياط تكتب: يوميات خلف القضبان



الأربعاء 5 فبراير 2014 12:02 م

نافذة مصر

فى أول يوم ليا فى القسم كان معايا واحدة فى قضية جنائية فى الحجز ..
وأول اما الطابط دخل يتم الصبح .. الجنائية قالت قومي اقفي للباشا ..
قولت لها مين !! قالت الباشا يا بنتي قومي .. قلت لها باشا ايه انتي قديمة قوي .. وبعدين أنا ماليش بشوات يا ستي !!
لما خرج الباشا . أقصد الطابط .. قولت لها الرسول عليه الصلاة والسلام أشرف الخلق .. الطابط ده مش أحسن منه !!
قالت لي طبعا .. قولت لها الرسول عليه الصلاة والسلام أما كان بيدخل على تجمع يوجد فيه الصحابة كانوا كل أما يجو يقفو الرسول
يقول لهم لا .. قالت لي بجد !!! باستغراب
أنا باستغراب أكثر قولت لها آه والله ..
قالت لي المرة اللي جاية مش هقف ..
دخل الطابط محدش وقف .. قال لها الطابط اقفي يا فلانة ..
قالت له لا يا باشا .. قال لها نعم !!!
قالت له أنت مش أحسن من الرسول يا باشا ..
بصلي الطابط بصة مربية وشتمني ودعا عليا ومشى